

Քեղեղեցիներ



ՀԱՂՈՐԴԱԳՐՈՒԹՅՈՒՆ

Լոնդոնի հայոց հոգևոր առաջնորդ տ. Ներսես եպիսկոպոսի և սուրբ Սարգիս ու սուրբ Պետրոս եկեղեցիների վարչությանց հրավերով, սույն թվականի հունիսի 9-ին Նորին Սուրբ Օծություն Տ. Տ. Վազգեն Ա Ամենայն Հայոց կաթողիկոսը ժամանեց Լոնդոն՝ ընկերակցությամբ Մայր Աթոռի դիվանապետ տ. Արսեն եպիսկոպոս Բերբերյանի և Ռուսաստանի ու Նոր Նախիջևանի թեմի առաջնորդական փոխանորդ տ. Տիրան վարդապետ Կյուրեղյանի:

Լոնդոնի օդանավակայանում Հայոց Հայրապետը ջերմորեն դիմավորվեց Լոնդոնի հայ եկեղեցական և աշխարհական պաշտոնական անձնավորությանց, ինչպես նաև Բենթրեքերիի արքեպիսկոպոսի ներկայացուցիչների կողմից:

Լոնդոնում, ի պատիվ Նորին Սրբության, երեք օրերի ընթացքում կազմակերպվեցին հանդիսություններ՝ Բենթրեքերիի արքեպիսկոպոս դոկտ. Ֆրենդերիկ Դոնալդ Կոգանի կողմից, Լամբեթ սլավատում, Լոնդոնի եպիսկոպոս դոկտ. Ջերալդ Էլիսոնի կողմից՝ ա. Պողոս Մայր տաճարում, և ա. Ալքանի եպիսկոպոս դոկտ. Ռոբերտ Ռանսիի կողմից՝ ա. Ալքանի պատմական տաճարում և Լորդերի պալատում:

Հունիսի 11-ին, կիրակի օրը, Նորին Սրբությունը Լոնդոնի հայոց ա. Պետրոս եկեղեցում հավատացյալների խումն բազմության ներկայության մատուցեց սուրբ պատարագ և քարոզեց, տալով Իր հայրապետական օրհնությունն ու պատգամը Անգլիայի ողջ հայությանը:

Հունիսի 13-ին, երեքշաբթի օրը, Հայոց Հայրապետը, ի ներկայության բազմաթիվ հայ և անգլիացի անձնավորությանց, բացումը կատարեց Լոն-

դոնում վերջերս հիմնված «Հայ երաժշտական ինստիտուտ»-ի վարչական կենտրոնի:

Վեհափառ Հայրապետի այցելության առթիվ Լոնդոնում տեղի ունեցան նաև համալսարանի պաշտոնական ընդունելություններ և Սարգիս և Կ. Պետրոս եկեղեցիների եկեղեցական մարմինների, ինչպես նաև Հ. Բ. Ը. Միության և «Թեքեյան» մշակութային միության կողմից:

Հունիսի 18-ին, կիրակի օրը, Լոնդոնի և Սարգիս եկեղեցում պատարագ մատուցեց տ. Արսեն եպիսկոպոս Բերբերյանը: Այս առթիվ Վեհափառ Հայրապետը Բանին կենաց քարոզությամբ մխիթարեց ժողովրդին:

Հունիսի 20-ին Հայոց Հայրապետը հրաժեշտ տալով Լոնդոնի հայությանը՝ լավագույն տպավորություններով մեկնեց Ժընև, հրավերովը Եկեղեցիների համաշխարհային խորհրդի գլխավոր քարտուղար դոկտ. Ֆիլիպ Փոթըրի:

Հայոց Հայրապետի Ժընև այցելության առիթով հայ եկեղեցու պատվիրակության կազմում էին՝ Երուսաղեմի հայոց ամենապատիվ տ. Եղիշե սրբազան պատրիարքը, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպիսկոպոս Մանուկյանը, ԱՄՆ-ի հայոց արևելյան թեմի առաջնորդ տ. Թորգոմ արքեպիսկոպոս Մանուկյանը, ԱՄՆ-ի հայոց արևմտյան թեմի առաջնորդ տ. Վաչե արքեպիսկոպոս Հովսեփյանը, Երուսաղեմի հայոց պատրիարքարանի դիվանապետ տ. Ծառե արքեպիսկոպոս Աճեմյանը, Մայր Աթոռի դիվանապետ տ. Արսեն եպիսկոպոս Բերբերյանը, Ռուսաստանի թեմի առաջնորդական փոխանորդ տ. Տիրան վարդապետ Կյուրեղյանը և Մայր Աթոռի Միջեկեղեցական հարաբերությունների բաժնի ընդհանուր քարտուղար պրն. Պարզև Ծախազյանը:

Հայոց Հայրապետին ողջունելու և բարի գալուստ մաղթելու համար Ժընևի օդանավակայան էին ժամանել Եկեղեցիների համաշխարհային խորհրդի ղեկավար աշխատողները՝ գլխավորությամբ դոկտ. Ֆիլիպ Փոթըրի, Ժընևում Միավորված ազգերի մոտ սովետական մնայուն ներկայացուցչության պատասխանատու անդամներ, Զվիցերահայ ընկերակցության, Ժընևի եկեղեցական վարչության, Վեհափառ Հայրապետի ընդունելության հանձնաժողովի ղեկավար անդամներն ու պաշտոնական այլ անձինք:

Հունիսի 21-ին, չորեքշաբթի օրը, առավոտյան, Հայոց Հայրապետի նախագահությամբ, ԵՀԽ-ի կենտրոնի մատուտում տեղի ունեցավ Արևազալի հայկական արարողությունը, ապա նույն կենտրոնի խորհրդաժողովների մեծ դահլիճում կազմակերպվեց պաշտոնական ընդունելություն, որի ընթացքում ճառեր փոխանակեցին Հայոց Հայրապետը և ԵՀԽ-ի գլխավոր քարտուղարը:

Նույն օրը ԵՀԽ-ի կենտրոնում տեղի ունեցավ խորհրդակցություն Հայոց Հայրապետի գլխավորությամբ հայ եկեղեցու պատվիրակության և ԵՀԽ-ի կենտրոնի պատասխանատու ղեկավարների միջև:

Հետևյալ օրը, հունիսի 22-ին, Հայոց Հայրապետը, առաջնորդությամբ ԵՀԽ-ի գլխավոր քարտուղարի և մասնակցությամբ Իր շքախմբի անդամների, պաշտոնական այցելություն տվեց Ժընևի Կանտոնին և քաղաքային իշխանությանը: Այս առթիվ ճառեր փոխանակվեցին Հայոց Հայրապետի և Ժընևի պետական խորհրդի փոխնախագահ Ժակ Վեռնեի միջև:

Ժընևում, ի պատիվ Հայոց Հայրապետի և նրա շքախմբի անդամների, տեղի ունեցան պաշտոնական մի շարք ընդունելություններ, ԵՀԽ-ի, Կ. Պոլ-

մի տիեզերական պատրիարքության, Շամբեզիի օրթոդոքս կենտրոնի, Բողոքականաց ազգային եկեղեցու, Միավորված ազգերի մոտ ՍՍՀՄ մնայուն ներկայացուցչության, Զվիցերաճայ ընկերակցության և հայ առաքելական եկեղեցու օժանդակ Տիկնանց վարչության կողմից:

Հունիսի 25-ին, կիրակի օրը, Հայոց Հայրապետը պատարագ մատուցեց Ժընևի հայոց ս. Հակոբ եկեղեցում և բաշխեց Իր ողջույններն ու օրհնությունները ավելի քան հազար ներկա հավատացյալների, որոնք այս առթիվ Ժընև էին ժամանել Ֆրանսիայից, Իտալիայից, Ավստրիայից, Անգլիայից, Արևմտյան Գերմանիայից, Թուրքիայից, Պարսկաստանից և այլ երկրներից:

Հայոց Հայրապետը Ժընևում հանդիպում ունեցավ Զվիցերիայի հայ երիտասարդության հետ, ուր ջերմորեն հյուրասիրվեց Իր հոգևոր զավակների կողմից:

Հունիսի 27-ին, չորեքշաբթի օրը, Հայոց Հայրապետը հրաժեշտ տվեց Ժընևում Եկեղեցիների համաշխարհային խորհրդին և Զվիցերիայի հայ համայնքին ու անմոռաց տպավորություններով վերադարձավ Մայր Աթոռ:

Հայոց Հայրապետը Ժընև Իր այցելության առիթով ԵՀԽ-ի գլխավոր քարտուղար դոկտ. Ֆիլիպ Փոթըրին հրավիրեց այցելել Մայր Աթոռ ս. Էջմիածին սույն թվականի հոկտեմբերի 7-ին: Սույն հրավերը դոկտ. Փոթըրն ընդունեց սիրով:

Հայոց Հայրապետի սույն ուղևորությունը Լոնդոն և Ժընև հանդիսացավ երկու համայնքների հայության համար հոգևոր մխիթարության և ազգային հպարտության բացառիկ մի առիթ, ինչպես նաև ամրապնդեց եղբայրական հարաբերությունները անգլիկան եկեղեցու հոգևոր պետի, բարձրաստիճան հոգևորականության, այլև Եկեղեցիների համաշխարհային խորհրդի ղեկավարության հետ:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
5 հուլիս 1978 թ.





ՆՈՐԻՆ ԳԵՐԱՇՆՈՐՀՈՒԹՅՈՒՆ ՔԵՆԹՐԱԵՐԻԻ ԱՐԺԵՊԻՍԿՈՊՈՍ
ԴՈԿՏ. ՖՐԵԴԵՐԻԿ ԴՈՆԱԼԴ ԿՈԳԱՆ